


Ich lache gern, ich lache vil  
und freu mi so a mine Spiil.  
Ich ha fascht alles, was i wott,  
drum tank ich Dir, Du liebe Gott.

Ich schwätze luut, ich schwätze vil,  
bis d'Mama seit: Bis äntlich still!  
Doch meischtens lost si, wänn ich's wott,  
drum tank ich Dir, Du liebe Gott.

Ich laufe schnäll, ich laufe vil,  
ich spring und gumpe, wie-n-i will;  
mis Velo suust, so wiit ich wott,  
drum tank ich Dir, Du liebe Gott.

Amen.



Syt geschter mues i d Nase schnütze,  
vor Fieber grossi Tropfe schwitze,  
och geit's mer besser Stung für Stung,  
wirsch gseh, gly bin ig wieder gsung!  
Ach, s geit mängisch hüscht und hott,  
glych dank i dir, du liebe Gott.

I ha's doch gseit, die Nacht het's gschneit!  
Drum mach ig mi jetz sofort dra und boue mir e Schneeschneemaa.  
Das isch es, was ig jtze wott, drum dank i dir, du liebe Gott.

Mängisch git es böse Stryt, mängisch danke mir genau nid wyt.  
Hiuf üüs aui da dra z gwöhne, nach em Stryt tuesch geng versöhne.  
Das muess doch patte, saperlott, drum dank i dir, du liebe Gott. ps



*Liebe Gott i wott dier dankä  
für die feini Schnitte mit em Anke*

*Mira*

*Für das feine Zmorge mit Züpfe u Anke  
tüe mir dir, Herr ganz härzlech danke!*

*Danilo*

*Ig danke dir für ds Brot, liebe Gott.  
Es isch chaut u i bruuche e Jacke,  
liebe Gott, i tue dir danke.*


*Alexander*

*Am Sunnti gits gäng feini Züpfe.  
Häb Dank, i tue vor Freud grad hüpfte.  
Dert drinn hets Miuch, Sauz, Mähl u Anke,  
drum, liebe Gott, tüe mir dir danke.*

*Leni, Berti, Annelies, Sonja, Andrea, Naima*

Hüt a däm 1. Advändsundig  
isch dr Wätter dusse wirklich hundig.  
De zünke mir zäme a äs Adväntslicht,  
u üser Öigli glönte au gant füedht.  
I üsne Härze vüentet dr Friede wie ig wot,  
Danke, Danke dir du liebe Gott.

Amen



therese.kauer@bluewin.ch  
Therese Kauer

Liebe Gott

mir danke dir für üser Ching.

Si si für üs e riise Gwinn.

Dir danke cha me gar nid gnue,  
drum wott ig das Alltag tue!

Maria, Simon, Rahel

I bi alt, doch bini gsung,  
drum danken ig zu dere Stung.

???

D Ching si luschtig u froh  
hie häre i Gottesdiensch cho.  
Vor Ifer si ihri Gsichter ganz rot,  
drum danke mir dir, liebe Gott.

???

*Für s' Güetzele brucht's Anke,  
drum wott i dir derfür danke.  
Mir luege zweni zu üser Natur,  
liide müesse Schmäterling, Igu u Chrott  
drum hiuf üüs Sorg z' trage –  
mir danke dir derfür, du liebe Gott!*

*Céline, Bruno, Nando, Lorin*

*I gisse gärn u trinke oft,  
drum dank i dir du liebe Gott.*

*???*

*Es het itz Schnee drum fahri Schii,  
drum liebe Gott, danki dir.  
Zum Zmorge hei mer gässe Züpfe Hungg und Anke,  
drum, liebe Gott, wie mir dir danke.*

*Familie Bachmann*

*Über üs tuesch du Gott waute  
doch ds Läbe chöi mir säuber gschtaute.  
Äs git schier keiner Schranke  
drum möchte ig dir Gott danke!*

*Käthi*

*Ig cha nid schön schribe,  
ig cha nid guet läse  
u glych bin ig doch es liebs Wäse.  
Ig kenä o miner Schranke,  
drum liebe Gott wott ig dir danke*

*Familie Bieri*

*Dankgebetwerkstatt, Gottesdienst KUW 3, 1. Advent 2019*